

بنت بتملا الروح الوان

عصام مهران



لتحميل المزيد من الكتب

تفضلوا بزيارة موقعنا

www.books4arab.me

بنت بتملا الروح ألوان

أشعار بالعامية المصرية

عصام مهران

وزارة الثقافة



تعنى بنشر الأعمال الإبداعية
لمبدعى مصر المتحقيقين

• هيئة التحرير •

رئيس التحرير
سيد الوكيل
مدير التحرير
سعيد شحاتة
سكرتير التحرير
محمود أنور

الآراء الواردة في هذا الكتاب لا تعبر بالضرورة عن توجه الهيئة
بل تعبر عن رأي المؤلف وتوجهه في المقام الأول.

• حقوق النشر والطباعة محفوظة للهيئة العامة لقصور الثقافة.
• يحظر إعادة النشر أو النسخ أو الاقتباس بأية صورة إلا بإذن
كتابى من الهيئة العامة لقصور الثقافة، أو بالإشارة إلى المصدر.

مسلمة

حروف

تصدرها

الهيئة العامة لقصور الثقافة

رئيس مجلس الإدارة

د. سيد خطاب

أمين عام النشر

محمد أبوالمجد

مدير عام النشر

إبتهال العسلى

الإشراف الفنى

د. خالد سرور

• بنت بتملا الروح ألوان

• عصام مهران

• الطبعة الأولى،

الهيئة العامة لقصور الثقافة

القاهرة - 2014م

• تصميم الغلاف، د. خالد سرور

• المراجعة اللغوية، أشرف عبد الفتاح

• الإعداد الفنى، وحدة التجهيزات

• رقم الإيداع، ٢٠٢٧٩ / ٢٠١٤

• الترقيم الدولى، 1-895-718-977-978

• المراسلات،

باسم / مدير التحرير

على العنوان التالى : ١٦ شارع أمين

سامي - قصير العيسى

القاهرة - رقم بريدى 11561

ت، 27947891 (داخلى، 180)

• الطباعة والتنفيذ،

شركة الأمل للطباعة والنشر

ت، 23904096

بنت بتملا الروح ألوان

إهداء

إلى...

الذين منحوا بدمائهم الحياة لحروفنا

إلى...

الحرف المشاكس الثائر عشقاً للأرض

والنيل وللحبيبة

وإلى...

من منحتني أجمل الحروف

إيزيس

يناير ٢٠١٢

ولا كل من لضم الحروف شاعر
ولا كل من رسم الصور فنان
فيه ناس بلا حس ومشاعر..
وناس.. ما تفهم حتى ف الألوان

الفتى مهران

من ضى آتون الحاميه ف طيبه
من طمى النيل؛ وحبل الأرض بسبل القمح
من وش الناس المليون طيبه
وقلب حبيبه زى يمامه
بتهدل دايمًا للضجريه
تصحى النور؛ يبدل حال الليل المائل
من عب البحر وطعم الملح
وغنوة نورس
من قلب الرمل؛ تحدى النخل الصامد عطشًا
منجب رطبًا
من قلب الزرع وبذرة خير للناس والطير
ضرب الفاس وحصاد المنجل

والليل والقمره وسهر السامر حد الفجر
كنكة شاي ع الدِمس ولقمه تكفى الناس أجمعهم
من قبلى المرمى فى آخر الخارطة
وشجر التوت وبيوت بتونس ضل السنطة
من ضحكة عيل راكب حلمه وهاجج بيه
بنت بتجرى جاره ضفيره من الأحلام
من قبلى يا بوى ... الناس والجيره-
وسنع حصيره لأئها ضيف
من قلب الريف ورغيف بيكفى العيله محبه
شويه شويه باكبر حبه...
وأقول أشعار

عاشق

عشقك فى قلبى قايد كنار
وصوتك فى روحى كعزف الكنار
وحضنك دفايا.. وهدايا .. ونجمه
ف سمايا

... سفينتى وبحرى وشط ومنار

وعشقك فى قلبى جنون الجنون
ببرسم بريشة مشاعري فنون
يا ناعسه وبهيه وعبله وايزيس
يا فرحه لروحي ما بين الشجون

دا عشقك فى قلبى كطفل رضيع
وشابط فى أمه وخايف يضيع
تهدهد قلبيه وتروى بحنان
ينام رغم حزنك وحزني الوديع

احلم

(١)

احلم يا طير بالنور
لو حتى ما شفتش ضى
او عاك تعيش مكسور
بكره البراح أهو جى

(٢)

أنا قلبى له جناحين
حاطط على قلبك
يا أم الشجر وارف
عصفور أنا و.. حَبَّكُ

(٣).

خايف أحب وقلبي يحن ويعشق
ألقى ف قلب حبيبتى سكوت
خايف طبعاً أمشى فى سكه
وبعد، ما أوصل.. خايف أموت

غِيْرَه

قلبي بيتعفرت م الغيره عليكى
وأتنطط... تضحكى عنيكى
أسكت وأتلم فى روحى
وأضحك لك وأتمنى اذاريكى
عن عينهم بشقاوة روحك
وتزيدى بدلعك؛ وعيونك تلمع
ف يشيط القلب من الغيره
يتحوّل لبخور.. ويرقيكى
على مهلك على قلبى وحاسبى

أنا دايب من ساسى لشرائينى
مش حمل الغيره وعمالها ..
أنا قلبى صعيدى وبيقفل
لو خاصم هيخاصم روحه
ينفع نتخاصم؟ .. يرضيكى؟

فرح

أنا بس عايزك تفرحي
ويفظ قلبك م الفرح
ماسك عصايه؛ نُحَزمه
الشال وريدي ومهجتى
ونرقص سَوا.. سَوا سَوا
ونضحك أوى.. أوى أوى
كضايه دمع ومُحزَنه
العُمر فُرصه قُلَيْلَه
ما فيش فضا للبعزقه

حاوی

مد العصایا وقول مدد...

بسمل.. وقول.. ورد الکلام

لم الأفاعی الی ملت روح العباد

لم الدیب الی انتشار...

لم السواد

...نفسی نرجع تانی بکره

والنفوس طاهره وبریئه

نفسی نوعی للحقیقه

إننا حفنه تراب

مراجيح

قلوب الناس زى المراجيح

والناس على طول

بتمرجح بعض.....

ف ما تفكرش كتير فى الخلق

ساعات ياخدوك على أعلى مكان

وكتير يرموك على سابع أرض

صياد

و باحس بروحك جوايا..
و باحس برفرفتك فيا..
يا جناح مقصوص رغماً عنه
والطير بيحب الحرية
يا يمامه وقلبي سمع صوتك
و هديله ف وقت الضجريه
صيادك قلبه اخرس واعمى
مش سامع تغريدك ليا

حنين

يا قطر الحنين على فين؟
ليه السفر واخذك
كل البشر نازلين
وفاتوك هنا وحدك
ولا عادش فيه مناديل
بترفف على الرصفان
ولا عادش في مسافرين
بتحن للأوطان

سُكْرٌ مُرٌّ

تفتكر غدر الليالي
يمسحه ضي النهار؟
لما حالك يبقى حالي
يبقى سكر.. بس مدّوب مرار
تبقى جنبى وأبقى جنبك
سكه واحده..
كل واحد ماشى وحده
يعنى بير مالهوش قرارا

.....

السؤال مش بس ليكى

ليه رضىتى يحطوا حاجز تاني بينا؟

ليه رضىتى خلطه السكر مرار؟

شوق

ومين..

ما يشتاقشى لطاقه نور

فى قلب الليل وأحزانه؟

ما يشتاقشى لكحل الشمس

وقت الصبح بعيونه؟

ما يشتاقشى لضمه وردم الأحباب؟

أنا المشتاق

وشط النيل أنا زارعه بأشواقى
أنا الهدهد رسول قلبى لمولاتى
أنا ساعى بريد الروح
وأنا الفارس فى ميدانك
وأنا عشك وعنوانك
وأنا عشقك جنين القلب
ف باشتاقك

كورنیش ع القلب

أسدين واقفين على كوبرى القلب
الورد مفتوح الشرايين
والعشاق.. اتنين.. اتنين
الواد بيحب
وكفه بيحضن كف حبيبته
بيرسم حلمه على الكورنیش
بيحاول يحفر.. الحرفين الأول فيهم
جرح القلب.....
الأسدين بصوا بحثيه..
وغمزوا لبعض!!!

أصل الحكايه

غمض ودانك عن كلامي
الكلام بس لحبيبتى
وأنت لابس توب عزول
او عاك تحس بإحساسات
منتش فاهمها.. او عاك تقول
الكلام دا زيه زى أى كلمه
حد قبلى مره قالها أو حكاها
اعتبرنى... حد من عشقى بهاتى
اعتبرنى... حد باشكى من أهاتى
هى بس.. حاسه بيا

بكل حرف من حنيني
بكل عشق أنا شايه ليها
بكل همسه هي عايشه
وقلبي عايش
هي دي أصل الحكايه
وأنت يعني إيه يهملك
من غرامى.. ومن حنيني
من حروفي..
من دموعي واللاً خوفي
أنت بس يا دوب عزول

ياسمينا وسندباد

ياسمينتى
تويت اُكسر مجاديفى
ومش ناوى نزول البحر من تانى
قضيت العمر وشرعى ف حسب الريح
لا ريحنى على شطك
ولا سابنى على شطى
و متغطى بسما غايمة
علاماتى ماهيش باينه
و هاذيانى
وأحزانى كاويها الملح
ياسمينتى....أنا خايف!!
وحبل الشوق بيشتقنى
أنا عايز ف يوم أرتاح

مانیش غاوی اکون ملاح
هاکون فلاح علی جزیره
وأزرعلک بساتینی بلون بکره
وأرمي لك بذور قلبي
وأشجاری هتطرح لك
كل ما فياً.....
حنين الروح وحنیه
یا أغنیه..... وعایشانی
مانیش ناوی آسیب البر
ولا ناوی نزول البحر من تانی

معانده

أنا نفسى عزيزه
وعزة نفسى دى طبع
اتربيت ع الغالى يا صاحبنى
(عادى عنادى)
وعمرى ما طااطى
لو هياكلنى السبع
مولودع النيل
وكنت الواد الحيله السعد
وبشارة الخير
وبعدى الخيط اللولى اتشد
أنا فرحة أبويا الأولى البكرى
وعكاز أُمى لما الحيل اتهرى واتهد

ودراع إخواتى السبعة تملئ
وعمود البيت والحيط
والنور والود
أنا حدوتة جدى وستى
ف ليله رومانسى
حلموا لأبويا بعيل شبهه
وورثت أبويا فى طبعه الحامى
وروحه الحلوه زى الجد
هُمَا قالوا لى زمان الحكمة
اوعى توطى النفس الغالية
لأنها حد

عشره

لو هانت العشره ..
معقول دا يرضيكى؟
ولا فيش ولا كلمه..
أو صوره أو ذكرى
أو دمه أو ضحكه
أو لقمه ع الماشى
بتشبيكه لصباعى
أثروا فيكى؟

لوهانت العشره..
مطلوب أراضيكى؟
طب أنتِ قولى إزاي
ملحت أراضيكى
من كُتر سيل الدمع
تانى قلبى إزاي
أزرعه فيكى؟

كان نفسى

وكان نفسى نكون أصحاب

وأشكى لك.. فتبكي لى

أغني لك.. تضمينى

مانيش عارف قدرتى ازاي تفارقينى

بأستيكه وسط رصاص.. مسحتينى

وانا الكلمة رصاص عندي بيحيينى

مانيش عارف وعودنا ازاي نسيناها

وكان عادى تعاندينى

ف خدنى العند بعنادى

ومين بادی يكون وحده

مانيش عارف

أنا التايه ف ميدانك ...
ومش واصل عناويني
أنا من طيبه.. وأنت ف منف
نفيتيني وبعيتيني
بحبة كحل من سارج
وكان جارج؛ لا من دينك ولا ديني
وزاد في غوايته بالأحلام
ورصّ كلام مألوش لازمه
عمل أزمه بيني وبينك
(بيني وبينك مضيش فايده) ١١
لا كتر عتاب يرجعنا
ولو أشواقنا توجعنا
قزاز مكسور بقى ع الباب
فخلانا بقينا أغراب

وكان نفسي؛ نكون أصحاب
وأَتَسْنَدُ بعكازك .. واميل بالقلب فوق كتفك
وأشكي لك.. فتبكي لي
واكون عكاز لأيامك.. إذا تعبت من اللهفه
من السكه.. من المشاوير
من المقادير، ف تترتاحي
وكان نفسي أكون حاجب على بابك
وما أذنشي بدخول أغراب
وأى غراب أكون له عقاب
وطير جارح
وليل سارح على شعرك

أكون درویش بأعتابك
أقول شعری كما التراتیل
أقول مواویل لأتباعك
أكون خنجر لمن باعك
واكون مضرود علی باعك
.....

وكان نفسی وكان نفسك
وكان عادى تعاندينی؛
وخدنى العند بعنادی
ومین بادی یكون وحده؟
مانیش عارف؟

عَبْرُ

أُحْسِ صَوَابِعَ بَهْجَتِكَ...

وَأَمَلًا بِرِيْشَةٍ ضَحَّتِكَ

لَوْنِ رَسْمَتِكَ

شَخِيطٍ عَلَى وَشِ الْحَيَاةِ .

لَوْ حَلِمَ تَاه... فِيهِ غَيْرُهُ أَلْفَ بَيْتٍ وَلَدَ

لَوْ عَمِرَ ضَاع.. أَوْعَاكَ لَا بَكَرَهُ يَنْجَلِدُ

مِنْ وَقْتِ فَاتٍ

الذِّكْرِيَّاتِ دِي مَوْلَاهُ... مَتَجَنَّنَهُ

مِنْ جَرَحِهَا بِأَيْدِ الْحَيَاةِ

فَ تَيَجَّى تَفْسُدُ فَرَحَتِكَ

مَا تَخْلِيهَاش....

من عاش في أمسه بيتوهم
وبيتُّهم بكره اللي جاى
بيحسه لافح قسوته
مليان جراح
مع إنه بكره الحلو جاى
الحس صوابع بهجتك
حس الدسم طعم الحياه
لو ترخى لحظة همتك.. هتبهلك
وهتلعنك... وهتهرسك كل الرحى
فرحه عيونك.... ما يطفئهاش الانكسار
فيه ورد عايش ع الندى
فيه حد عايش بالأمل
ويأ الألم.. من فرح ساكن في الحياه

اشرب ونقى بهجتك
اغسل أواني الذكريات المؤلمة
اطبخ حياتك بالآمال
وافتل من الصبر الحبال
او عاك تحس الحمل مال
لا هي جاه.. ولا هي مال
واسمع عبر من جدتي
قالت لي مره كلمتين
إن كنت عاوز تنتحر
تتشق بين دمعتين
لو كنت راغب فى العلا
..ارسم على وش الأسى
طفله حلوه صغيره... وبتبتسم
الغمازات على خدها
هى الحياه.....

توهه

يا حروف البوح ف السما طائرين
مش عارف قلبى أنا رايح فين
ولا عارف روحى هتسكن مين
ف باجيبيها شمال.. ف تروح لى يمين
وعنادها حالف لى ألف يمين
وف قلب الريح أنا قلبى وحيد
وماليش جناحين.. والسكه بعيد
· وزهقت ودبت من المواعيد
وحبيبي بعيد.. أستنى كثير
وعملت الفارس والخيال
أتارينى بنيت من نفسى خيال
أبريق مكسور.. ف الدنيا ومال

السر أهو ساح.. والدنيا براح

وف ناي الدنيا بقيت موال

وحبيبي أهو جاي..

وحبيبي أهو راح

طب مين مرتاح؟

أنا دبت وتهت

الهوا ما جانيش!!!

مظلوم والله... أنا ما جانيش

ما تحطش قيد... خليني أعيش

مولود عصفور

وان كنت ساعات مقصوص الريش

ولا فيش ف العين

غير قلب حبيب

واللقا مواعيد

والبخت نصيب

ف ساعات الدنيا قوى بتخيب
وساعات تلعبها بجد تصيب
يا نصيب مدسوس على آخر البير
والبير مسعور.. سرّاق أعمار
أنا رحت أجيب م البير أفراح
ف لقيته غويط.. والعمر أهو راح
لا انا جيت نصيب من قلب البير
ولا سابنى يا دوب ارجع بأمان
مكتوب ف بطاقتى يا دوب إنسان
بيعيش أفراح.. وكثير أحزان
مجروح والسهم بيد جبان
يا حبيبتى يا بحر مالوش شطين
أنا دبت وتايه فى العنوان
أنا دمة روحى على الخدين

يا مراكبي قل لي السكه منين ٩٩

يا حمام بتغنى بصوت حزنان

يا كمنجة شعري ف روح إنسان

بتغنى لمن ٩٩

دا الكون مشغول

والناس توّهان

أنا كنت فاكرني باشكي الحال

أتاريها الناس كلها توّهان)))

عكاز الحياه

تلاتين سنه...

فارد جناحي ف الفضاء

باحلم واعيش....

واكتب واشخبط ع الورق

وارسم ملامحي ع البيوت

واعمل حبيبتي

ورده حلوه مفتحه.. ف وش النهار
واصنع من اللحظه انتصار
تلاتين سنه
أكره واحب.....
واعشق وادوب.....
وأحير القلب اللى ساكن فى الضلوع
تلاتين سنه ويا الورق
أكتب حكاوى....
عن بنات شمس الشتا
وموج البحار
واصنع حبيبتي من العدم
وافرد قلو عى للخيال
لكنى مش لاقى الكلام

عن روح حبيبته تحسها اكثر ملاك
عاذة الخطاوى للى جاى
فارشه ورودها ع المدى
رافعه كفوف الالبتهال
وينزل الدمع الندى
يجرى على نهر الخدود
ساعه ما تدعى بالنجاح
وتمد طيليه المحبه
مستوطنه القلب البراح
تنده... عصااااام
وتقول لى دايم كلمتين
أستقوى بيهم ع الحياه
رغم السنين اللى رمت

فى الشيب شباب
نستحلى نرجع يوم عيال
نحبي ونتخانق سوا
على حجرها المفروش خضار
فتضمننا ويساعنا ف عنىها المدى
وبمنتهاه ...
تلمس خدودنا وشعرنا
وتخصنى ببعض الكلام
يا بكرى عمرى
دا أنت أول خطوتى جوا الحياه

نفسى أشوفك فى السما
أنت روحك ملهمه
ومليان حنان
أنت راضع بهجتى
ف عز الشياب
وآه وياااه لو غبت يوم
باسأل عليك ريحة الهدوم
واحط عطرك فى الأوض
عشان ما احسش بالغياب

أنت عكاز الحياه
تغمرتى أمواج المحبه المبهجه
ويرفرف القلب الصغنى فى الضلوع
وينط ىركع للقدم
ويت رسم جوا الأسى طعم الغيطان
ما اقدر شى أقول لك ع المطر
الى بىفسل جتتى
ويفش قلبى للحياه
واحس روى مرفرفه ف حزن السما
وألم صورتك نجوم.. شمس وقمر
والضم عقود.. واصنع تيجان

أنت عكاز الحياه

بالقانى بألقف حضنها الملىان حنان
يااااه يا امه يا قلب الكلام
المبتسم جوا الحروف..
ولا ميت حبيبه ف عشقها
تعرف تقول الكلمتين
ولا ميت حبيبه بحسنها
تملا العيون لو غبتى يوم
ما عرفشى ليه سكت الكلام
وانا اللى فارس فى المشاعر والحديث
وانا اللى راكب مهرتى وسابق كثير
وانا اللى باصنع ميت أميره وميت أمير
اقرارىكى يا امه..
ما توفكىش كل الحروف الملهمه
يا باب قصايدى للسما

السرف بير..

على آخر حلم الليل
القلب فانوس بعويل مبلول
من زيت الروح
مجروح الضى وخافت خالص
خافت تمشى؛ يصيدها عكار
البير النازف من أوجاعه
دموع وشجون
مسجون فى حيطاته
ما حدش عارف منه آلامه
ما حدش عارف سبب الحزن ودمع البير
جايز حزن الغدر بيوسف
أو قلة حيلته ويا بنات سيدنا شعيب

بس ساعات بيغيب ويفكر
مغصوب يتعكر
بدمع مواقف إخوة يوسف
ومن جبروت أصحاب المرعى
ويا بنات مكسورة الخاطر
رغم حنينه لحضنه ليوسف
ورغم الفرحة بخطوة موسى
ورغم قيامه بدوره الكامل
شايل وجعه بغدر الناس
حساس وعميق والسرف قلبه
غالبه دوام كتمانہ لسره
ونفسه بيوج.....

حاول تكون روحك

عايز أقولك إنى امبارح

كنت باشاغب كل الدنيا

بشعرى وصوتى

.....ملا محى القمحي

عيونى العسلى.....

كنت باصباح العصافير

بازقزق واملا الدنيا

أغانى بريئه

وأروح للورد....

يفوح لى عبيره

ف يعبى روايحه تملى فى روحى

سحابه أنا كنت ف عز الصيف

و كنت الشمس الدافيه تملئ

ف قلب خريف

أنا كنت حاسسنى روح الروح

ف لقيتني باروح

وباشاغب دايماً وياً الصيف)))

وباهش الحزن ف قلب ملامحه

وياحاول اكون النسمة الراقه

اللي تهدي حرارة قلبه...

ولقيتني باحس تملئ

بشبهى وياً الصيف

وياحب الشمس الحلوه تنور
ف الأركان الضلمه تملئ.....
وياحب أسك على الوطاويط
الخاطفه الفرحة ف قلب الليل
وياحب أخفف كل هدومي
واقلع حزني...ارميه للنيل
وأخلي الموج يداوي لي جروحي
ما انا كنت فاكرني زى الصيف!!
أصلي مشاعري تملئ بتسخن

ودايماً انز روايح قلبى
زيت البركه للعشاق
وباقيد الشمع..
وأنور قمرى للمشتاق
وباحب حكاوى قيس مع ليلى
وعبله وعنتر..
(وباموت فى إيزيس)
بس ساعات الدنيا بتغصب
أبقى خريف
وروحى دى شجره....
أنفض منها الورق الباهت

وريح بتعدى... بتكنس فيا كل رصيف
وترخ المطره تملأ جدورى
وشويه شويه بيبجى ربيع
ف تلاقى براعم فرحه قلبى
فارده الحضن لضى الشمس
وتلقى الضحكه بشاير هلت
ف اتأكد انى.. زى الدنيا
تملى فصول.....
ما هى مش (بمبى)
زى الست (سعاد) ما تقول
طبع الدنيا قوام تتقلب

حر وبرد... ربیع و خریف
 بس الدنيا دایما تغلب
 واحنا بنرضی...
 ونقول دایما أهی أقدار
 حدش مره لو حیده اختار....
 حدش فکر مره یعاند...!!!
 یصبح زی ما نفسه تعوز
 طیر بیغرد
 زی کمنجه بتعزف لحن جمیل
 شجره بتطرح بهجه وفرحه
 حدش فکر
 یبقی الشیء الی اتمناه
 حدش عاند مره وفکر ۹۹
 حدش فکر مره وعاند ۱۱

زهایمر

عارف إنك مش نسای
ولا أى كلام بیعدی أونطه
وان العقل الباطن فیک
شغال یخزن.. یخزن
حالك یحزن..!!!
قلبك شنطه..
شایله هموم اللیل ودموعه
عامله عیونك زى رصیف..
مستنى القطر الجای فى معاد متأخر جداً
و یاریت جای !!
دراع السکه رافع راسه بكل غرور
ساخر منك..

من أحلامك..
من أوجاعك
من أفراح ترسمها برمله..
وتيجي الريح تسرقها وتمشي
عاوز تنسى كسرة روحك وأنت وحيد؟
مش راح تقدر
مهما تعيد وتعيد وتزيد
دايره بتبدأ من غير نقطه
حتى الوتر الماسس فيك
قاطع نَفْسك وأنت بتعزف
والألحان من نوته قديمه
كل ما تقلب ورقه تلاقى..

سلم واخذك صولو وسيكا ونازل تحت
صالة عمرك زحمه بناس دايمما تشبه لك
كله بيرقص على ألحانك
ناس متساويه رغم فروقها
بتاع التمر الساقع واقف...
مستنى الشمس تبلل ريقها
بياع الصبر الساند خده يايد وقفان الحال
واللى بيعسب فرق البورصة..
سهم العمر هيخسر كام؟
نفسك تنسى؟

عاوز تبقى زهايمر رسمى

أول باول تنسى همومك

تقلع جلدك أول باول...

مش راح تقدر!

قلبك شنطه..

شايه امبارح رايعه ليكره

لو هتسيب الشنطه بحالها

أبشر جداً..

خطى ليكره

وانت زهايمر

المواجه حلوه منك

اوجعيني...

بالعتاب اللي ف عنيكى

رجعيني للحنان... والخوف عليكى

المسينى زى ساحر.....

حوليني بنظره حلوه

لطير مسافر جوا حضنك

ارسمي لى بيت وعيله

حرمينى ع البنات

الى ف عيونهم سحر فاضح

ادهشينى...

لسه باحلم بالليالى

لما كنتى فى خوف عليا

يفط قلبك جوا منك

لما أصرخ...

تبسملي لى.. وتستعيدنى

طبطني لى فوق قلبي

واحضنينى..

اوجعيني باختفائك...

وبحضورك..

خلى نورك يطفى حزنى

قلبي دايب.. بس حايشه

أيوه مانعه....!!!!

رفضى إنك.. ما تشوفيش شوق الحبايب

دمعه سايله فوق خدودى..

ما تشوفيشى ثانيه ضعفى..

خلى شوقى ليكى بسمه

ضحكه صافيه..

طله حلوه من عنيكى

اوجعيني

بفيض مشاعرك....

حسسينى برعشه آمنه

لما اشوفك

خلى حضنى ف شوق لحضنك

وانتى نايمه ف حضن حضنى

مدى إيدك

ياللا نصنع موجه هاديه للمراكب

نهر صافى لابتسامنا

نسمه تملا شراع حياتنا

المسينى زى ساحر
حولينى بنظره حلوه
لطير مسافر جوا حضنك
ارسمي لى بيت وعيله
حرمينى ع البنات
الى ف عيونهم سحر فاضح
احضنينى واوجعيني
المواجه حلوه منك

البلا آدمين

مش هامسح أبداً أبداً جوخ..
ولا عمرى أقول للحنضل خوخ
ولا هارقص زى البلا آدمين
من فوق..
من تحت..
على السلا ليم
ولا هاجرى.. وافط وانط وادوخ
وهاغنى بنای وان كان مشروخ
ولا هعمل روى لحد طريق
ولا هاخذ غير إحساسى صديق
علمنى أبويا إزای الجدد.. العوم الضح
وإزای اعمل لى البحر طريق

فها جدف وحدى .. ف عز الريح
وحتى إن كان البحر غريق
مش هامسح أبداً أبداً جوخ
ولا هابقى زى البلاء أدمين
ولا هارقص عمرى على السلاليم
أنا راجل حر..

وأصل الحر ما يعرف زيف
ولا يكسر عينه مهما يجوع
ولا يكسر مبدأ لاجل رغيض
ولا يقبل حد يقوله ضعيف
أنا درت الكون ومشيت وحفيت
ولقيت الخلق كثير أنواع

حببت وهويت والعمر عطيت
لعفيف النفس من الأطماع
وخفيف الروح.. والناس أطباع
وكرهت ودست خسيس الروح
بيفوح بالشر منين ما يروح
يا جروح الخلق يا بنى آدمين
تعبونا يا ناس البلاء آدمين
واقفين.. قايمين.. نايمين.. قاعدين
واخدين ع الرقص على السلاليم
ماسحين لسيادهم دايمًا جوخ
قايلين ع الحنضل دايمًا خوخ

فيها إيه لو قلت الحق يا شيخ ٩٩
لو كنت بصوتك عالي صريح
هتعيش وتموت متصان الروح
والسيره هتفضل مسك يفوح
وُدق الكعب بجد هتوصل
مش هيفيدك أبدًا أبدًا
مهما هترقص ع السلايم

مواويلی

شاعر..... بياض الشعر خبط على راسی
استوى خلاص الشعر وطاب لى احساسی
بس مين ع القلب بيطلب وبیواسی
أنا لیه كتير الهم ومليت بالحزن كراسی؟

الفرحه ورا الأبواب خبطت أنا بكفى
أنا قلبی لسه شباب م الحزن متكفى
م الهم عمری داب... م الدمع مستكفى
كتبت ألف كتاب صفحاته ما تكفى!!!!

حطيت مركبى للصبر يركب مع المجاريح

ع الشط واقف أنا وشرامى مجافيه ريح
و حزنى كان له هوى يسكن ف قلب مريح
لف البلاد يسأل تعب وخذ له ريح

انا لسه فى الحياه باحبى والقلب دا عيل
يهوى ساعات النار.... ع الجمر بيميل
يا فرح راكب مهر... فى الدنيا ومشيل
استنى خدنى معاك.. دا العمر بيليل

میں؟؟

ومین فی العشق مش آیوب

ومین فی الحب مش فارس

ومین قلبه ما هوش معیوب

ومین قلبه علیه حارس؟؟

یا اهل الملامه والعتب ع الجرح

سیبوا العتب ع الباب

لولا الشقا ما تحس طعم الفرح

أصل القلوب زی البیوت أعتاب

إيزيس يا عمر واقف ومستنى
والسكه ما بينا بعيد
قلبي عريس بالصبح متحنى
بس التلقا مواعيد

نای

عبیر الحبیبه بیسری بروحی
وساری علمها واقف غفیر
ف غیبی حبیبتی تعالی وروحی
دا حبک ف قلبی.. ومنی بیغیر

عبیر الحبیبه دا فایح کورده
یعدی علیها نسیم الربیع
وسارحه فی روحی غزالتی وشارده
ف مین الی یقدر لقلبک بیع ۹۹

عبیر الحبیبه الی جای من بعید
بیملا قلبی نغم من ریحتها

بازيد فى الأغانى وتانى أعيد
وامتى قلوبنا هتوصل راحتها؟

قالت لى باحبك يا أسمر
يا راجل صعيدي وقلبه كبير
وكام على قلبي ناس مر
وأنت اللي سرى فى قلبك ك بير

حبيبتي العوازل عليكى عتابهم
قالوا لى بإنك هناك فى البوادي
وحالف ما عمرى أخطى عتبهم
ولا غير هواكى هيسكن فؤادى

ع الربابه

يا بكرة ياللى جاى
جايب معاك الحبايب؟
عازفتى بربابه ونای
باغنى لعمري اللى غايب
.....

...حبيبى ساكن فى روحى
لكن مساكنه بعيده
و مین یطیب جروحى
بیطیب جرحی ویا عیده
.....

عركه فى روحى بنبابيت
تكر ضلوع الليالى
ما حي خلت ولا بيت
يحكى ..ع اللى جوالى
.....

عشقت بنت سمره كحيله
وعشقت عيونى وقلبى
دلوعه حبيبتى وحيله
هادارى شمعى واخبنى
.....

إيزيس ماشيه بتيابك
وعيون بتسيى المراود
قلبى فى طرفها وشابك
ماشى ما راضى يعاود
.....

يا لابسه أحمر وقانى
بين جمال المليحه
حسنك دا والله سبانى
واقع فى حبك دبيحه
.....

يا ورده ع الشط نابتة
من طمى نيلنا رضعتى
فى روحى والله ما ساكتة
لو تهتى منها لضعتى
.....

يا قمر وهل بجماله
على أرضه حالف منازل
عزولنا يا قلبى ماله
يعمر قلوب العوازل
.....

تَعْمَر قلوبهم في مره
ما يجيبوا حتى ف سيرتنا
الغيره وحشه ومره
بتكوى روحهم غيبتنا
.....

حنيني ليكي واخذني
لاكتب عشائك قصايد
أتمنى ربي يزيدني
وتكوني مطرح ما رايد
.....

يا حبيبتي بس انتي نادی
من بلدي لاجي ماشيلك
هلاقي ودك بلادی
واحلف في قلبي لاشيلك
.....

قلبي لسحرك مسلّم
باصم بدمى حبيبك
فى روحى عشقك معلّم
وطلعت بختك.. نصيبك

.....

ع الشط ماشى حبيبى
فى الرمل غارز قدامه
البحر نادى قليبى
خلى مراكبى قدامه

.....

إيزيس يا خلق ماشيه
وتوبها جارر وراها .
أنا قلبى حارس وحاشيه
تعطش وریدی رواها

.....

ياساكن الوادى قبلى
قلبى مسافر رايحلك
عن جد ما عرفت قبلى
لو غبت بعدى هتهلك

.....

يا قلبى كيف يعنى أسيبك
وانت اللى ساكن ضلوعى
يا بحر وسفينى حبيبك
فارد فى عرضك قلوعى

.....

من تانى أكتب ولا أسكت
لحسن عزولى يفرقع؟
شايفه بيهرى وينكت
خايف فى نفسه يولع!

.....

هاکتب وتالت و رابع
وعمری لآخره هاناضل
وقلبي شاری ما بايع
وحبيبي هو اللى فاضل
.....

قلمی دا يسحر مداین
وجمال حبيبتی سحرنی
ولا دين عليا ولا داین
لما حبيبي أمرنی
.....

لو يدري عزولي غرامنا
ما كان يفكر يجينا
مين قال له ييجي حرمانا
وتارنا قايدة.. لعاديننا

غنوه للصبر

(١)

عيونك لما تدمع
يبكى القلب وحشايا
والرب شايف؛ بيسمع
وحده نصير الصبايا

المصبر صابر وتعبان
والغايب مصيره هيرجع
الوحشه كعض تعبان
والقلب ميت بيودع

الغايب حجه معاها
وأنا حجتى ضاعت

الشوق دا أصله ومعناه
قلوب عشقت ما باعت

يا باعت الشوق فى منديك
هف هف ع القلب فتح
بترجى يومى يناديك
والورد يرجع يفتح

(٢)

ناس تحن لها إيدىك
وقلبك عليها ينادى
وناس عايزه تديك
وتلف بيك النوادى

ناس ناديتها يا عمى
وناس ناديتها يا خالى

ففيهم قلت فصحي وعمي
تارينى بنادى فى خالى

فى الصنعه حدش جبرنى
وقاللى تشكر يا صاحبي
الكل باعنى وجبرنى
طلع عيوبى وصاحبي

جبر الخواطر على الله
ومعدتش باخد لخاطرى
ومن عوجنا عدلناه
ولا يلحم خطرُه بخُطرى

نادی

مش هیبطل قلبی یحبك ۱۱۱۱۱

مش هیبطل ۹۹۱۱

مهما یكون من بُعدی وبعْدك

حدش بعدك.. یقدر یدخل

قلبی اتسکر...واقف عسکر..

مانع غیرك یقدر یدخل

حته سكر داییه ف روحی

وَأنا مستكتر حبك لیا

ودوبك فیّا

طیبه روحك والحنیه

بس باحبك أكثر وأكثر

باكتب شعري من دقاتك
باكتب عمري من لحظاتك
عارفه يا غاليه لما تنادى..؟
باحس حقيقى بطعم الدنيا
باحس بروحى طايره ترفرف
باحس بموجة نيل شيلانى
باحس سحابه واقفه تمطر
تروى قلبي.. يرجع أخضر
نادى يا غاليه...
عمري بيحلا لما تنادى.. نادى

خاتم سليمان

نفسى فى خاتم سليمان...
علشان أخطفنى إليكى.
وأقرب أكثر منك..
وأكون لك ملك إيديكى.
وأبوح وأقول وأعبر..
و أشوفنى بسحر عنيكى
ما اعرفشى أكيد من غيرك
أمشى فى الدنيا وأغنى
ولا غيرى أكيد يا حبيبتي
يعزف على طول أغانيكى

خمسة وخميسة

ياريت تكبرها..
وتقول.. وانا مالى
خليك كدا ف حالك...
سيبنى كدا ف حالى
أنا اللى يا خلى..
بالهم متدارى
شايلى حمولى كتار
ولا حد بيه دارى
مریت على الأحباب
وف قلبى أنا مالى
بعشقى بس حبيب
واحد ما يتكرر

يحلّى مر العمر
مهما بيتمرر
قول وأنا مالى..
وياريت ما تستكتر
ولا حتى يوم تحسد
ولا مره تستخسر
خمسايه فى عيونك
ع النبى صلى
الحب دا مقسوم
يمكن ساعات النار
جايز دوام جنه
ناس تشوف الويل
و ناس بتتهنى

طب أنت إيه ضرك؟
حبيب تشوف الدمع
تفتكره هيسرك 1199
طب خمسه وخميسه
وع النبي صلى
بالغصب شوف الفرح
فى عيونى وعيونها
شايف سواد الليل
دا الكحل فى جفونها
شايف جمال النيل
من حسننها لونه

سامع غنا العصفير ٩٩

من لحنها يومه

و الورد والنعناع

على خدها فتح

طب خمسه وخميسه

وع النبي صلى..

خليك كدا ف حالك

سيبنا بقى فى حالنا

دا الخب ليه أسرار

اصفى لها... قتهنى..

مسجل خطر

(١)

حرامى

إنت حرامى.....

أيوه حرامى..

اتسرسبت ف قلب حياتى

بطيبة قلبك

خفة روحك

قمت سرقت الحزن ف كيسك

حيرة قلبى

وقصد نسيت محفظة البهجه

وسبت الضحكه

يعنى قصدت تفوت لى دليلك

آاه من روحى وأنا مسروقه

بكل إرادتى باسيبك تسرق

بكل إرادتى بروح وياك

خلى الناس تحكى وتتحاكى

ع اللى سرقنى ف عز الظهر

ع اللى ف قلبه نقاوه وطهر

...بس سرقنى

أنا؟

أنا مسروق زيك والله

كنت معدى ف توهه ليلى

نفسى لفرحه أخذها لقلبى

نفسى أتوب عن همى وحزنى

فجأه لقيت بابك متوارب

جوا الصاله النور كان قايد

قلت: اتونس.....

بس لقيتك قاعده حزينه
خايفه العمر يعدي لوحده
كنتى أميره.. وكلك حيره
وكان الطامع واقف جندى
ف وش الراغب
خدت الحزن وحيرة قلبك
جوا ف كيسى
وقلت أسيب عندك محفظتى
يمكن تفرح...
كنتش قادر أفرح بيها
قلت أرميها.. يمكن تنفع واحد غيرى
لما فرحتى... حضنتى الدنيا
خدتى الكيس عن كتفى وقلتى:
سيبك منه...
ياللا شاركنى ف بكره الجاى
ياللا نتوب عن حزنى وحزنك
أنا مسروق والفروح سارقنى

أنا فرحان والقلب سابقني
خائف أخذك جواً حدودي
خائف أطلع بره حدودك
ألقي الدنيا ضلّمه وحيره
وأنا صدقت الفرحه خدتنى
لما عملت ف مره حرامى
يبقى أحسن لى أبقى حرامى

(۲)

ظالم

ایوه أنا ظالم....۱

لیل ونهار شاغل تفکیرک

حدش غیری داخل خارج

ملاحی وصوتی.... دقه قلبی

کله مسیطر علی أحلامک

أعمل إیه وانا قلبی صعیدی ۹۱

ی عشق جدا....

مخلص جدا....

احنا سَطَرنا تاریخ للحب

طیبه أهی شاهده

قلبی بانیک أجمل معبد

جنب إیزیس..

قلبی ربابه.. بیعزف اسمک

روحى وروحك.. فى التحطيب

دايما يتشاقوا...

حدش غائب ولا مغلوب

أيوه أنا ظالم...

واخدك وحدى

ونار الغيره...

نار بتشعلل أى صعيدى

بس أنا عارف قلبى الطيب

حبك جدا

وانتى كمان مبسوطه بظلمى

(٣)

إرهابي

أذا إرهابي.....!!

علشان تكمل أسباب سجنى

و أسباب سعدك

قلبي المدفع .. و بأشعارى

و طيبه روحى...هاطحك طخه

طخه جريئه...و أقولها (باحبك)

عارف قلبك مش مستحمل

رافع رايته

مهو من بدرى لقلبي مسلم

وزى ما قلتي...قلبي صعيدي

تار جوايا مشعله بيكى

أنا متعصب غيره عليكى

أنا إرهابي....بس بحبك
حدش يقدر ياخدك مني
أيوه باهدد أي عزول بيقرّب منك
قلبي مسيطر على أفكارك
على أحلامك
على أركانك
بس سؤالي.....
تقدرى إنتى تعتقلينى؟
يقدر قلبك
جوا حيطان روحك يسجننى؟

أنا بوحشك

الشمس مالت ف السما
باست لى قلبى وضمته
عصفوره حلوه مدندشه
غنت لى غنوه مدهشه
والنسيم اللى عبر خد الورود
وشال حلاوة بهجته
وقف على روحى بهدوء
وهمس لى همسه حنينه
والموج اللى مشى كل الحدود
من تحت رجلين الحبيبه.....

لحد شطين البراح
أنا كنت زارعهم حنين
والقمر لما طلع....
لم النجوم موكب ضيا
راسمين لى قلب فى السما
كل الحاجات الحلوه كانت
بتناجينى وتبتسم
ليك يا شاعر كل أشواق الحبيبه
والسلام
كلنا مراسيلها ليك
هى دويها الحنين..
وبتسألك....أنا بوحشك؟

هي اختارت

طلب هي حبيبتي

و هي اختارت.. ذنبي أنا إيه؟

شافت قلبي وراحت شاورت

و أنا رديت.. وجريت .

ورميت الروح والعين والقلب

...و قلت حبيبتي... وكنت باحب

و كنت الجدد.. وجد الجدد

أنت بتعرف كيف تتحب؟؟

إنت بتعرف معنى القلب؟؟

ودق الروح،
و جروح بتطيب من لسه يد
إنت يا دويك تعرف تلعب دور عزال
واحنا يا سيدى قفلنا المسرح
اسرح.. اسرح

بنت

البنت اللى بتضحك على روحها
و بتضحك.. و بتضحك
وف عز جروحها بتحضنى
وف عز ألمها بتضحك لى وبتغنى
علشان ما ابكيش
... و لما باحس بدمعتها..
تقول لى.. الفرحة دمعته وبتخونى
- فأكره إنى مصدقها -
أنا حاسس بجروحها

و ياخذها ف حضنى
و باطيطب على روحها
و أحسسها إنى ما بابكيش
و أطلع دبدوبها المتعلق فى المفاتيح
ف باحس الفرحة تشخلن ف عنىها
و تقول لى.... ياااه الدبدوب!!
ف بتمسح دمعته.. وبتدوب
ف عنين شايقين فرحتها
وساعتها..
بترضى بالمكتوب

ما تزعلشى..

ما تزعلشى....

لو خدت روى على كتفك

ولقتنى قوام عيطت

ساكن فى قلبى الوجع

ولا ميت جدع..

يستحمل كد ما استحملت

وشوشت بيا الودع

والسرع الرمل حطيته

سرقة موج البحر.. ف اتملح

ب الملح فى بكره الشوق بميت ملمح

وباجرى ومش بافلح

و باتكعبل... و باتجرَح
و واخذنى طريق الحزن..
يا خلق نفسى أفرح
نفسى أبكى
و أسقى الحزن من دمعى
ياريت الحزن غير الحزن دا يطرح
مكتوب على عمرى
فى التوهه ليه مطرح
مكتوب على فرحى ..
عمرى هنا ما اطرح
ما تزعلشى
لو راحت روحى على كتفك
و اقسر سبت دمعہ..
ما تزعلشى

ركوع

نخله راكعه لربها وقت الشروق
بتبتهل زى اليمام؛ اللى عشش حضنها
وتنادى الله بشوق ..
من خشوعها ينزل البلح الرطب
رزق العباد الشقيانين
قطرة عرق تنزل أمل على نبتة
لسه بتبدي رحلة حياه
ف تبتدى طاله ع الدنيا لفوق

و تميل على خد الشجر نسمة صباح
يتمطع الفرع المجاور لشباكنا القديم
ريحه الكافور بتهزنى .. بتنادينى للوضوء
فانسى همومى بدمعتى ولحظة خشوع

.....

فاكرنى ؟

بتقول فاكرنى ۱۱۹..
الملاح وش أسمر
من جنوب الأرض طيب
قلبه نخله طارحه فرحه
رغم حزن الريح ليلا تى ۱۱
العيون عسلية جدا
من سمار الأرض طالع
رغم طين الأرض مالح
بتقول فاكرنى ۱۱۹
السنين عدت عليا
سايه كسره فوق جبيني

بس لسه القلب أخضر
لسه طارح بالأمانى
كل ما تهزه تلاقية يخرط سبأطه
للحبايب والغريب
لسه بارمح فى الشوارع زى واحد
فجأه شاف العمر تايه
طاف يشوف عمره ف حوارى مصر أمه
فى المآذن والمعابد.....
الروايح فى الحسين والست زينب والغوريه
من كفوف درويش (عارفنا) للقناوى؛ للبوصيرى
قلبي متحنى بحنينه
ضحكه الصبح اللى ساخر
من سواد الليل فى طيبه
لسه باكتب عن إيزيس والببت ناعسه

و عن طاقية بإيد حبيتي غرزة حب.. و غرزة شوق
الطيور وقت العصارى تنشد الحب الإلهى
و هى راجعه للعشوش
لسه باكتب
عن رئيس كان اسمه ناصر للغلابه
كنت باسمع عن عزيمته وانتصاره
و عن هزيمته
و عن رجولته
كان رئيس سيد قراره
و عن تاريخ حكاة لى جدى
كان يخطط بالعصايه فوق جبين الأرض يشرح
كنت بارمح .. جوه أيامه و خيالى
وقتها كان قلبى خالى.. كان بيسمع

بتقول فاكرنى ١٩
لا يا صاحبى ...
" مش أنا الواد الشقى
أنا اللى موتنى الكلام ...
اللى كان رده السكات
وانا اللى عايش فى اللى فات
والذكريات ..
أنا اللى عايش فى اللى مات
فمش أنا مش أنا "

زمان

زمان كنت ...

أعتب وألوم الخلق ع الإحساس

واسأل كثير الناس عن ناس

كان قلبي فراش بيطير

ويحط ع الأحباب

يتنسم عبير الودم الأصحاب

واعملنى ساعات قشه لكل غريق

وابكى بدال غيرى عشان يضحك

واعملنى كما أراجوز بيسخر من بكا الأحزان

واملا عشان قلبي

قله على الشباك

تروى من حنين الروح

عابر سبيل الشوق ..

و بافوق ..

على عفه القلب اللى ضيّعها الحنين

انتكاس الروح من قلبه النسيان

نسيت إنى أنا إنسان

مفترض ينسى ويقلب صفحه الأيام

يحضن شروق الشمس

يهدل حمام القلب بالأذكار

و القلب دا مكار

واقف مكان أمسه

مدقوق كما المسمار

و انا محتار ..

استنى حد صدقه يمر

و لا اتعود على النسيان ؟

عدل.. حرية

معلش يا سجان ...
هاستسمح القاضي
يعرفش أنا إنسان
باحلم بحريتي
جواً الخلا الواسع
وارجع على بيتي
من فرحتي شيعان
و معايا لطهوري
من أرضنا السمره
الحب والميه
يعرفشى يا سجان
(العدل حريه)

العدل مش قوانين
متفضله لينا
متفضله ليهم
يمكن أموت م الجوع
محبوس فى أقفاصه
يمكن أفر وأطير
يقتلنى برصاصه
واموت بأحلامى
وبحلم حرיתי
أموت وأنا عطشان
والبحر يشربنى
دمى ما يرويشى

ف يجيب كذا إنسان
للملح يرميهم
تتنوع الأحكام
الحلم بات إجرام
(عدل — حريه)
يعرفشى يا سجان
إنى أنا إنسان
" ب اهرى على الفاضى "

صرخه

إنت فاکر صمتی ضعف؟!

صمتی قوه ماسکه روحی

صمتی عبره صمتی صبر

صمتی ربی زارعه فیما

لاجل أعدی کل سد

الکلام مش کل حاجه

مش معبرع اللى فیما

یا ما نسمع أو ندردش

یا ما نکذب أو بنهتش

بس وقت الجد صفر

السکوت هو اللى ینفع

لما تلقى إنک أفضل

م الحكاوى واللى غاوى
واللى ناوى يقيدها مر
المرار ساكن لسانه
واللسان جامع حصانه
وف بيانه...تلقى شر
يبقى نسكت
أصلى يعنى الصمت عقل
حكمه راسيه للى فاهم
واللى عارف
مش لحد واخدها هتش
بالمسايسه، والمداهنه
زى حربا بكل توب
زى تعلب ..أو يا دوب واحد أنانى
يحب يلعب بالقلوب

ياسين

جوز يمام عشش فى بيتنا
بعد ما نسينا البلابل واليمام
وافتكرونا ..
كان زمان الصبح يطلع
بالأغانى والأمانى
لون شعاع الشمس فارس
مهرته من غير لجام
ينغز الليل الحزين .. فيهج منه
يسيب وراء ضحكه شفايف للسما
تحضن غناوي البحر فى كتاب السنين
وافتكرونا ..
النجوم ويا الكواكب مبسوطين

بتلاغى بعض بصوت حنين
الواد عطاره...مشتري..والبت زهره
وهديم زحل متلوتين
وافتكرونا..
السنابل فى الجرون المحصودين
والسواقى وهى دايره
تبوس خدود الأرض.....
لاجل تحبل بالجنين
خلخال بهيه وهى ماشيه بالقلل
تفرح القلب الحزين..
وصوت ياسين..
بيغنى عشقه للصبيه
السود عيونها ديوه..
وقعوه من ع الهجين

وافتكرنا سعد باشا
..وصوت جمال..
وهو صارخ فى الأمم
الثوره حره... للشعوب المسجونين
السد عالى.. القناه ويا المصانع
سدوا جوع الغلبانين
وافتكرنا
يوم رجوعنا من المزاد متبعترين ...
هج اليمام من سطح بيتنا
والغناوى اقلجمت
ولا فيش عطارى أو زحل
ولا فيش بهيه.. اتنهشت
بالإيدين السعرانين
ولا فيش ياسين
ولا فيش سنابل فى الجرون
ولا فيه جنين

سيل الدموع نازل بيجرى ع الخدود
جوز يمام.. عشش فى بيتنا
رجعنى أحلم بالأغانى..
وافتكرت وصية أبويا
(ما تنتميشى فى السياسه لأى دين)
كان عارفنى.. صوتى عاشق للأغانى
و كنت عايش دور ياسين
أصلى عاشق مصر أُمى
كنت باستنى مرورها بالقلل ع العطشانين
رنه الخلخال هوايا.. والعيون متكحلين
كان عارفنى.. قلبى طيب
والزمن دا مش زمان الطيبين..

كان حاسسنى قلبى أخضر
بارسم أُمى..حُضن فاردع المدى للمحرومين..
كنت عاوز ودها يملأ النجوع ويا الكفور
تحترس م النصابين
كان منايا تنتشلنا م الغرق
و تطفى نار المحروقين
عشق وضا
و تلمنا تحت الرايات المؤمنه
البحاروه.. والصعايده..
النصارى.. المسلمين
قلبى عامر بالأمانى..
قلب عاشق

عشقى غيه للصبيه

ام العيون متكحلين

عندى أمل...

أهو جوز يمام عشش فى بيتنا

وربما... نسمع غناهم للضيا

أنا أصلى عايش بالعشم

يعود لى تانى دور ياسين

ینایر

یا مصر یا بلدی..
أنا خدت حریتی
أنا كنت طیر مدبوح
جوا حیطان بیتی
أبنى عشی ازای
والمفتري واقف
یا أمی ضمینی
یا مصر.. لبیتی

الله علیکی یا مصر
یا أم الهرم والنیل
سامع فیکى النداء

و العزف والمواويل
صوت الحقيقة وضع
... للحق ألف دليل
بكره أكيد أحلى
بيعدل اللى يميل

الله عليكى يا مصر
يا منوره بناسك
الكل غايه الطهر
عابد مع فاسك
انا شفت فيكى الضهر
... ماسك إيدين فاسك
كسر حيطان القهر
نور يا حساسك

غنوة أمل

فيه أيام الدنيا بتظهر
تمسك فرشته وترسم صورته
ممکن صورته تكون مندهشه
و ممکن صورته تكون منكمشه
صورته تكون الشمس بتضحك
أو بتزيح الغيم بشعاعها
تبص علينا .. وتغمز فينا
و عشان بكره يكون الأمل
ابدأ حالاً .. ارسم حلمك
بس بدقه اختار ألوانك
قوم وارسمنى
يوم فى يناير سنة 11

صحيت فيه الشمس الطاهره

غمزت روحنا..

قام الأمل الساكن فينا

حلب الشمس ف نن عيونه

شبعنا روحه وطفى العتمه

شد ستايره السودا رماها

صحى المارد يهتف فينا

أول مره باهتف واطلب من غير خوف

آه لو كنت تشوفنى ساعتها

فى التحرير وأنا واقف سلمى

كنت بانادى بروحى وقلبى

كنا نصلى كل آدان والمولى حارسنا

كنا نصارى بالصلبان بندق جرسنا

وكان الطير فى الجو يردد

" وأنا على الربابه بغنى.. غنوة أمل
تعيشى يا مصر "

يااااه.. أول ضحكته تبان على وشى

و أول علّمى ما بان ع السارى

شفت النار بتحاوط راسى

سلمى.. سلمى.. مش راح اوّطى

كنت بنور الله متغطى

رافع صوتى بكل جراءة.. إرحل يلا

عدتش قارد أجرح حلقى بطعم مرارك

كان إصراره يوصل بينا لحد الآخر

هز قلوبنا وهو بيكذب

" أنا مش همشى.. كنت بحارب لجل عيونكم

نفسى استشهد تحت سماها

نفسى ترابها يضم عضامى "

أنا صدقته.. وعارفه بيكذب
بس ما هانش علينا العشره
قلنا شويه ورايح يمشى
قام بهلاله ويا جماله
الى راكبهم جن جماله
داس على روحنا.. آه يا جروحنا
سالى.. محمد.. عبده ومينا
خلطوا دماهم
كانوا سفينه وعدت بينا
كانوا قضبانه، وكانوا سجانه
غلطه عمره ولازم يمشى
كان إصراره وكان إصرارنا
هاج الموج فى البحر الهادى
ورد وفتح جواً بلادى

صوت الشهداء.. صوت حریتی
صوت أطفالنا کان بینادی
سیبئی آشوف الضی ف بکره
أدی فبرایر عدی بسرعه
لم عزاله وبص بحسره
شاف الظلم بعین منکسره
شاف الأمل الطارح فینا ،، شافنا لبکره
مارس جای بربیعه النادی
بکره یزهزه ورد بلادی
بکره نعمر.. بکره هنبئی
کل دراع مفتول ومشمر
ساعه الحق الساکنه ف روحنا
دقت تانی
ساعه الظلم.. حتی إن طالت
دایما دایما.. هی ثوانی

اكتب عن الفرح.. وغني له

ادخلينى من مسامات الفرح
وانشرى نفسك فى روحى
فرحينى بالوجود من بين جروحي
قبله القلب اللى عاشق
من زمن..
...حضنك الصفصاف يضل
قلبك الشفاف يرتل
ترتيله للعشق الجميل
يا مركبه... والقلب نيل
رعشة شعاع الفجر يضحك
للربيع اللى بدا من لون عيونك
فتح الورد اللى عاشق من زمن

میل ییوس خد الغصون
و یترسم من ضحکتک علی ألف لون
أنا ف هواکی بألف عقل..
و میت جنون
أنا الی طایش فی البعاد
ب الف عرض و طول بلاد
شایل غناوی للبنات ویا الولاد
الورده حمرا لون قلوب بالعشق هامت
و البیاض لون البراءه و النقاء
أما السمار من لون خدودك
و ف حدودك ألف نیل
فین بیاض القطن توبك ۹۹
مین یشیل عنك ذنوبك
مین یعیدك بکر تانی ف بیت یاسین ۹۹
ادخلینى من مسامات الفرح
و اعملینى کحله ف عنین البنات
و احكى عنى....

أصلى شاعر والحروف هما نياتي
أفرح أعزف
... أبكى أعزف
ما اعرفشى غير صوت الحروف
نهاوند أغنى ... مره سيكا أو بياتي
يا حبيبتي..... أنت روحى
و أنت عبلة يا بهيه بتوب إيزيس
الضفاير طوق نجاتي
أمنياتي تمدي روحك جوا روحى
تستعيدى نبض قلبك جوا قلبى
يا ام العيون متكحلين من طمى نيلك
يا ام النجوم المرسومين على حجر ليالك
ياللى حضنك ويا بابك مفتوحين
ادخلينى من مسامات الفرح
عدت سنين متكفين
لا حد قاللى أنت مين ؟ ولا أنت فين ؟
نشف الجريد فوق النخيل

هـج الحمـام من صدرنا
و اتكرمش البلـح الرطب
كنا الوجود المستحيل
بس اقـولك .. قلبى طيب زيـك انتى
زى لون قلب اليمـام
بانسى جرحى جـوا حضنك
بانسى روحى جـوا قلبك
باحب كـونى المبتدأ وأنت الخـبر
باحب أشوفك جـذع هـاجج فى السـما
و أشوفنى أوراق الشـجر
أحب أشوفك عـاليه فـوق عـند القمر
و باحب اشوفنى زى فارس وانتصر
ادخلينى من مسـامات الفـرح
رغم الجـروح طـول عـمرى واقف
ولا عـمرى مره هـانكسر

سلام سلاح

إلى أمي

و قلبي اللي كاره للون السواد
و حالف لأمي لتلبس في موتى تياب الحياه
بسندس وطرحه بلون السحاب
و لو دمع خانها هتبكي
و تسقى الجنائين دموع
دي أمي اللي عاشت بتحلم بطولى
تقيسنى بشير الصوابع ليالاتى
تسرح لى شعري فى عز المنام
فا احس الملايكه بقت شهرزاد
و أضحك فى نومى ...

وتَقْصُرْ هِدُومِي فَتَعْلَن بَأْنِي
كَبِرتَ وَفَارَقْتَ الْوِلَاد
بَأْنِي فَقَدْتَ الْبِرَاءةَ وَلَعِبَ الْعِيَال
بَأْنِي بَقِيتَ فِ سَمَاهَا الْهَلَال
شَوِيهِ شَوِيهِ بَقِيتَ اكْتِمَال
وَسَاعَةً مَا تَضَرَّدَ كَفُوفُهَا لِخَيْرِي
تَلَاقَى دِمَايَا بِلُونِ الْحَيْطَانِ
وَمَيِّتَ فِي إِيْدِي حَكَايِهِ
وَرَايِهِ بِنَادِي
بَازَعَقَ وَانَادِي
بِلَادِي بِلَادِي وَأَنْتَ فَوَادِي وَأَنْتَ الْوَدَاد
فِ لِيْ دِمَايَا الَّلِيْ فَوْقَ الرِّصِيفِ
وَقَوْلِي لِأَخْوِيَا يَسَامِحْ فِي دَمِي
وَحَبِّي سَلَاخَهُ وَدَاوِي جِرَاحَهُ
لَأَنْتَ حَقِيقِي بِمَوْتِي مَا عَارَفَ
دَا مِينَ الَّلِيْ صَابِنِي

يجوز ابن عمى
يجوز ابن خالى
يجوز طلقه طاشت
وكان نفسى نفرح فى قلب الميدان
وكان نفسى تسقى كفوفا اليمام
ونرميله حَبُّ الغناوي
وَحَبُّ الغرام
ترفف علينا الحبيبه ايزيس
مَ كنت معاهدها بأورطة عيال
بهيه وعبله وأخوهم ياسين
ونختم بمریم
و كنا بنضحك
و نبني بيوت القصايد حنين
ف قولى لأختى تسامحنى خلاص
ما عدتش هادقق معاها

و اشاكس واعاكس وأخطف ريموت الجهاز
ولا اقعد لوحدي أشوف ماتش كوره ويقلب خناق
قولي لها كرهت البرامج
وإني هاوفى بوعدى
و ناوى أشتري لها بكل اللى باقى
حكاوي وغناوي
و كل اللى تطلب لزوم الجواز
فَ و حياة أبويا اللى وصى علينا
و قالك زمان ...
(مافيش حد رايح هنبكى فيرجع)
ف صلى بقلبك بدال الحداد
سلامى يا أمى لصاحبى وأختى واخويا
كثير السلام .

معلش

معلش يا سمره يا عذبه يا بنت النيل
معلش عكارك بكره هيصفي ..
والصفصاف على خد الحلو يميل
غصين عنك.. ومش راح اعاتبك
عصمة قلبك صح ف يدي
بس مانعنا سجن خيالي ..
بيفرقنا باسم الدين

طُز

طُز.. مليون طُز..

فى اللى بيمشى تحت الحيط

كداب زفه.. أيوه عبيط!!

فاكر إن الحجر عشانه

وإنه هيشبع م التنطيط

بكره هتسمع كلمه (.....)

واللى مشيت له تشيل مركوبه

بكره هيركب على أكتافك

بكره يقولك.. شيبىي يا عبيط..

فراعين

صباح التوهه والقسمه..

والفرقه ع الونجين

كل البلد مفتى..

و حسنى عكس حسين

ناس تقول اضربا...

و غيرهم يشيل الطين

ناس تقول أيوه

و ناس تقول لأه

ناس ماهيش عارفه

آخرتنا هتيجي منين

لا نجمه ولا قبه
ولا ضحكه ولا ثوره ولا دمه
ولا شهدا ولا فقرا ولا.....
ولا حد عارف له..
لا راس ولا رجلين
الله يلعنه فرعون..
أهو غار وساب فراعين

كفايه

كفايه شجب ومسخره
كفايه لؤم وتقورّه
هاتو الدفاتر تنقرا
مين فينا يوم مره اشترى؟
الكل بايع واللى ضايح
مالى ربوعنا العامره
...من أرض بابل للسودان
حتى حدودنا العامره
الساهره والقادره
لموا الرجال ويلاً بينا
ع الميدان يا قاهره
هنعلى صوتنا بالحقوق
و نفوق نفوق

من الحاجات الأصفرا
سرقوا الأراضى والسيوف
ماليين واديننا بزرع خوف
من شرقها إلى غربها
يا مُرها : فين حلوها؟؟
يا أيها الحزن المبرطع فى السكك
مين علاّ صوتك بالصراخ؟؟
يا أيها الفرح اللى صامت ع الصياح
مين سكتك؟؟
فين سكتك؟؟
يا بلادنا حره ... حتى لو طال المدى
بكره جاى
وهتلعننى كل العدا
يا سيده...
فوق كل البلاد الغادره
بكره تاريخك غصب عنهم ينقرا

قلب الميدان مجروح

من حقى أثور وأغضب..

بعلو الصوت

ما انا واقف على دورى

و مستنى ف طابور الموت

الجانى بيتنعم ويتزوق

و يدلع ويتفسح

و يتمرجح على روحنا..

على جروحنا

حبال الصبر يا اهل الحكم

دوبها طوله بالكم

وأحوالكم..وأفعالكم

فجهزنا حناجرنا وأكفاناً..
وودّعنا أهالينا.. ونزلنا مياديناً..
حريه نعود بيها
أو ننقش في وش الظلم حكايتنا
سمعناكم كثير ياماً..
حصان عدى على قلوبنا ،
وداستنا جمال المر
ماسبيرو..
ورول نازل بأحداثكم
أنا اخواتي يروحوا الماتش..
تجيبوا الجون في أعمارهم؟؟
إيه ذنبه يموت مقتول؟؟
يموت مشنوق؟؟
تموت بسمه كانت تفرح
تموت ورده كانت تبهج!!
و يتبدل في عين الأم فرحتها

بدمعتها، بحسرتها.. فتسألکم:
هترضوها يا أهل الله على ولادکم؟؟
تموتها 200 مره فتاویکم وأقوالکم
و تحقیقکم، مع لجناکم
یضایقکم أثور وأغضب؟؟
یضایقکم أكون واحد فی أرقامکم؟؟
یضایقکم؟
طب اضایقوا على کیفکم..
و کیف کیفکم
مدام صوتنا مکیفکم
طالما الدم یسکرکم
طالما الظلم دیدنکم
و کرسیکم وریسکم
و خلینی..
أنا واقف فی میدانی هاضایقکم

وَأَبْطَلَكُمْ وَأَكَيْفَكُمْ وَأَطْلَبَكُمْ بِحَرِيَّتِي
وَهَاخِذَهَا.... وَلَوْ مِيت
وَفِيهِ غَيْرِي كَثِيرٌ يَا مَآ... يَكَيْفَكُمْ وَيَبْطَلَكُمْ
يُضَايِقُكُمْ..
يَا إِمَّا حَرٍ.. بِلَادٍ حَرَةٍ..
يَا إِمَّا الْمَوْتَ فِي مِيَادِينِكُمْ
مَلَا عَيْبَكُمْ مَا هَيْشَ فَارِقَهُ
مَلَا عَيْبَكُمْ مَا تَشْبَهْشِي مَلَا عَيْنَا
مَا فَيْشَ فُرْقَهُ
وَلَا فُرْقَهُ..
هَنْتَقَابِلُ فِي آخِرِ الْمَاتَشِ
نَفْكَرْكُمْ..
يَا حَرِيَهُ نَعُودُ بِيهَا
يَا نَنْقُشُ تَانِي حَكَائِتِنَا
فِي وَشِ الظَّلَمِ

فـزـورة

مش وقت الغنا.. ولا الأشعار..

مش وقت أى كلام..

كلنا ف أزمه

يا بكره ييجى نهار

يا إمّا مالوش لزمه

أنا كل يوم بيفوت..

باشرب كاسات الموت

فى الزحمة والطوابير

ع السكه فى المشاوير

وأمنها يا غفير ..

يحمى ولاد جزمه

بیشربوا الإكسير
من دمی أنا و امی
من اخواتی و بنات عمی
اطلع أقول العیش
تقتلنی میت سکین
أطلع أقول العدل
یخوننی فی المیادین
یا أمایه شایله الطین
متلفحه بهمی
ضمیننی یا أمی
بیسیح أهو دمی
کفنی روحی ..
سبلی عیوننی
أمانه لتغنی

واولدى تانى
واولدى ثالث
واولدى عاشر
بالصبر ما تملئ
اقرى على روى
ترنيمه للشهداء
وبسملئ وصلئ
خلى دمايا الزيت
بينور القناديل
وبيعدل اللئ يميل
أرجوكى لا تملئ
غنئ بعلو الصوت
غنئ ولا تملئ

مش هنعلن انكسارنا

مش هنعلن انكسارنا
مهما فزنا ... أو خسرتنا
انهزمتنا ؟ مش آخرنا
حلم لسه بيحاصرنا
إحنا يا بنى ولاد حضاره
المعابد ... والجوامع
الكنائس
الفنون ويا العماره
والثقافه برضو إحنا
لينا أكثر من مناره
إحنا يا بنى تاريخنا ظاهر
المخبي واللى ظاهر

عاصمتنا الرمز قاهر
الدليل ويا الأماره
كام أعادى جات علينا
بالتآمر كات تجينا
بالمحبه كنا نظرد
أى غاصب وبإيدينا
إحنا يا بنى هتلاقينا
منذ أحمس ويا مينا
منذ بيبرس..والخديوى
ثوره حره..طاهره بينا
إحنا يعنى بلدنا الأزهر
والمسيح برضو نبينا
إحنا فينا الأصغر أكبر
مهما كان الحجم فينا
بالمحبه بلدنا عايشه
.....

هَمَّاء مِين بالنسبِه لينا ١٩

الوهم

أعبط خلق الله فى الأرض
اللى يعلق على حدوده
و يمشى وراها طول على عرض
اللى بينهت عقرب ساعته
و هو بيرمح خلف الوهم ..
مالنا بزيد أو عمرو وليلى
ولا أسماء دايما تشغلنا ؟
هما لا سنه .. ولا تسبيح أو فرض
فوقوا شويه وصحوا عقولكم
شوفوا ثورتكم ..
مين وداها فى ستين داهيه

و مین أحبطکم ۹۹
اوعوا الدرس یا شعب ذکاؤه
غلبه القهر
یا للی بنیتوا تاریخ وحضاره
و ألف مناره علم وفن
ضحکوا علیکم بالأشباح
واخبار الغولہ وسنت الحسن
ستی قالت لی زمان الحکمہ
" اوعاک تجری خلف الوهم "
و أبویا قایل لی :
إن سیاسه بلدی تملی
خلی الشعب یطبل یرقص
وهما یلموا النقطة الدم ..

الخمارة صاحبها يهودى
عارف إمتى ينزل خمرة
وإيه مَزَتْها .. ومين مَزَتْها
وإمتى البطله تخلص رقص
فوقوا شويه الله يخليكم ..
أصل الميت مش بيضره
كتر الضرب ..
إحنا مشينا فى شارع واسع
ثم لقينا الخطوه بتمشى ..
فى أضيق درب {}{}{}

وصية موت

إلى إيزيس

(أنا عارف إنى هاموت) ...

ف بلاش الحزن وتطفى الفرحة

و بلاش تبكىنى

دى وصيتى

ما انا حاسس إنى هاموت

و هاسيب أوراقى

فنجان القهوه....

هاسيب على وشه ضحكه وشى

و هاسيب حرفين على طرف الورقه

و نص قصيده مش راح تكمل

و هاسيبك وامشى

ف بلاش تبكىنى
خلينى أعيش جواكى العمر الفاضل بينا
لما تشتاقى ..

ضمى ذراعك حوالين صدرك
املى الأوضه بريحة عطرى
هاتى عيال الشارع جنبك...
اقرى عليهم كل كلامى
عايز روحك تضحك جدا
فاكره الصورة بتاعه المترو؟
فاكره الصورة
وانا فى الغيط وباجيبلك وردة؟
مش كنت قايلك حطى الورد ف قلب ديوانى؟
ليه تحطيتها ف أحضان قلبك
اوعى الحزن .. هتدبل منك!!
اوعى ريحتها تروح من روحك

أنا عارف إنى هاموت.. و هاسيبك
الميت همه يكون متسامح
أنا سارج.. باكتب كل أخطائى
أنا عارف إنى غلطت ف حقلك
لما فكرت أسيبك وحدك
وارحل عنك غصين عنى
أعمل إيه ودا آخر عمرى؟
مش مكتوب لى أعيش لك تانى
حتى الموت يا حبيبتى أناانى
ف بلاش تبكىنى..
خلى الورق الأبيض كفى
خلى الغسل إيديكى الطاهره
خلى عيال الحته يغنوا..
بيحبونى بكل براءه زيك إنتى

كنت باشوف فى عنيهم ضحكك
كنت باشوف ضحكتهم قلبك
اوعى تقولى شاعر كم مات
الأطفال تعرفشى الموت
هيشاورا لك ع السموات
زى ما كنتى بتحلمى ليا
كنتى تقولى :
نجمك بكره يكون فى العالى .
وأدينى بكل كيانى فوق طوالى
ف ما تبكيش وتخلي الدمعه تحرق فيا
ولما تجيكي الدعوه لتدوه..
روحى بدالى
واقري كلامى العايش بيتركهم

غنى لبكره
غنى الوردہ .. و صوت الساقیہ
غنى الأرض السمر الحره
غنى "إیزیس" معشوقتی الأولى
و قولی شاعرکم کان ولهان
بحبیبتہ إیزیس
غنى "فؤادہ" ...
وقولی الباطل کان "عتریس"
و ما تبکیش
علشان موتی مش آخرتها
یمکن موتی یمکن أولها....
و بعدی حاجات علی طول هتعیش

جريدك العالى

وجريدك العالى
میل وحيانى
لون البلح قلبى
أحمر وحيانى
يا بلادى يا نخله
يا طارحه فى العالى
فرحه بلون قلبك
لى وهب قلبه
لنيلك الفياض
بالودع الشطين

يا آمنه ومآمنه
يا ستنا مريم
يا أمنا هاجر
يا ستنا زينب
يا قناوى يا مرسى
امتى بقى نرسى
ع الشط وابني لك
غيه حمام أبيض
واقعد واغنيلك
يا مكلبشه روحى
ليه قلبى أنا حابك ..
و أنت اللى عاصيانى
واقف على بابك
درا عيني عصيانى
حامى حمى عرضك

لا عاصي ولا جاني
أنا وردتي في أرضك
بأزرع عشان روحك
وعدوك.. الجاني !!!
يا حته أنا منك
وانت اللي ملكاني
يا مليكه فين عدلك
يا مليحه فين ودك؟
شاريكي.. بايعاني !!
خليني لو كارهه
خليني لو حاسه
الحب رباني
عارفه يا روح روعي
حبك دا.. رباني
خلاني أهيم وأسرح

بين الشطوط بارمح
كأنى بقيت عنتر
وقبيله الأندال
عن بابك العالى
واقفه ومانعانى
ولاإمتى يا حلوه
هنقاسى ونعانى؟
دلىنى يا حلوه...
مين عَكِّروا "حابى"؟
ومين اللى بيضطرب
دلوقتى ويحابى؟

أمومه

أول خط القلم .. قال آآآه

زاد الألم واتكسر سنهُ

عدنا برى القلم .. كتبناه

رسم القلم فنهُ

يا عمر طول عمرى باستناه

كما شوق الرضيع لأمه

مد الخطاوى ع البراح

راح اللى راح .. تجيش يمه

صدر الورق مفروش

سيبه .. ما تلمهُ

وامشى كما الرهوان

لا حد شايضا..
ولا حد كان هُمهُ
ما تحسش قوام الحزن
شوف الفرح .. ضُمهُ
خليك كما عيّل
نايم في حضن امه
متكتف صحيح بالحضن
بس الحنان لله

وقت

متلومشى غير نفسك
واقبل عزاك ..
فى كل وقتك الضايع
الساعه زى البنت....
بتعدى كدا بخفه
وأنت واقضع الرصيف..
...يادوب بتتفرج على الخطوه
ولما تنوى تتقدم .. بتتأخر
تكون عدت

ف تستغرب.. وتستقرب
وبتحاول ترجع ثاني خطوتها
وثاني ترجع العقرب
تكون عدت
خلاص عدت!!

بكره اُحلى

اوعى تزعل ع اللى فاتك
اللى جاى أحسن كتير
مش هينفع غير سُكاتك
لينا رب اسمه الكبير
النصيب لسه ف حياتك
واللى فاتك مش نصيب
أنت خايف ليه يا قلبى؟
اوعى تندم ع المخبى
اوعى تشكى.. الشكوى مُره

بکره اُحلی.. ف بکره خیر
اللی جای ویا الحباب
راح یعوض کل صبرک
اللی جای أحسن کتیر

معافره

ولسه فى الأحلام باعافر
لو لقيت الحظن خدعه
يمكن أتعب.. يمكن أغضب
يمكن أهرب.....

أو فى روحى.. أركب الأحلام وأسافر
بس ميزه ..إنى مؤمن
مهما تقسى
مستحيل إنى ابقى كافر

.. بُكره تُفرج ..
دائماً أرضى بيها روحى
كلمه حلوه
.. بُكره تُفرج ..
ولسه فى الأحلام هاعاقر

سلام

أنا آسف على غَشْمِي وعلى عَشْمِي
وع الحاصل وع الواصل أو موصلش
أنا آسف على غُلْبِي وعلى جَدِي
وعلى لَعْبِي وعلى قَلْبِي
وع الدنيا اللي ما بترحمش
أنا آسف يا أشعاري وحواديتي
يموت دائما وبيَعْلَم.. ولا اتعلمش

عصام مهران

- ليسانس الآداب والتربية
- دبلوم الدراسات العليا فى التربية.
- عضو اتحاد كتاب مصر.
- عضو بمجلس إدارة نادى الأدب بقصر ثقافة سوهاج.
- عضو مؤسس لجمعية مبدعى مصر ..
- مؤسس جمعية إيزيس للثقافة والتنمية.
- حصل على المركز الثانى على مستوى الجمهورية لأجمل أغنية أطفال - وزارة التربية والتعليم ٢٠٠٩.

- حصل على المركز الأول لأحسن نص -
التربية والتعليم ٢٠٠٨.
- حصل على المركز الثانى فى مسابقه الاتحاد
العالمى للشعراء والمبدعين العرب.
- تم تكريمه بمتحف أحمد شوقي عن مجمل
أعماله ونشاطاته.
- درع وتكريم من فرقه أوتار الكلمات د/
منال عفيفى..نادى القاهرة أبريل ٢٠١٤.
- درع وتكريم كرمة ابن هانى وجمعية إيزيس
للثقافة يونيو ٢٠١٤.
- درع وتكريم ملتقى الأدب والمعلمين يناير ٢٠١٤
- حصل على العديد من الجوائز وشهادات
التقدير من:
- ١ - جامعة أسيوط .
- ٢- جامعة جنوب الوادي/ فرع سوهاج، فرع قنا .
- شارك فى العديد من المؤتمرات الأدبية.

صدر للشاعر:

- من حزن حظك (ديوان شعر) دار اكتب - القاهرة ٢٠١٠.
- فرقة قلب (ديوان شعر) دار أكتب - القاهرة ٢٠١١.
- حدوتة بسبع أرواح (ديوان شعر) دارملاح - القاهرة ٢٠٠٩.
- هديل الروح (ديوان شعر) عن قصور الثقافة ٢٠١٣ (نادى الأدب المركزى بسوهاج)

تحت الطبع:

- الرقص على جمر الحروف - نصوص مشتركة مع نورهان بن سالم (تونس).
- عن البنت التى - مجموعة قصصية.

9.....	الفتى مهران
11.....	عاشق
13.....	احلم
15.....	غيرة
17.....	فرح
19.....	حاوى
21.....	مراجيح
23.....	صياد
25.....	حنين
27.....	سكر مر
29.....	شوق
31.....	كورنيش ع القلب
33.....	أصل الحكاية

35.....	ياسميننا و سندباد
37.....	معاندة
39.....	عشرة
41.....	كان نفسى
45.....	عبر
49.....	توهة
53.....	عكاز الحياة
61.....	السرفى بير
63.....	حاول تكون روحك
69.....	زهايمر
73.....	المواجه... حلوة منك
77.....	البلا آدمين
81.....	مواويلى
83.....	مين
85.....	ناى
87.....	ع الربابة
95.....	غنوة للصبر
99.....	نادى

101.....	خاتم سليمان
103.....	خمسة وخميسة
107.....	مسجل خطر
115.....	أنا بوحشك
117.....	هى اختارت
119.....	بنت
121.....	متزعلى
123.....	ركوع
125.....	فاكرنى
129.....	زمان
131.....	عدل..حرية
135.....	صرخة
137.....	ياسين
143.....	يناير
145.....	غنوة أمل
151.....	اكتب عن الفرح وغنيته
155.....	سلام سلاح
159.....	معلش

161.....	طرز
163.....	فراعين
165.....	كفاية
167.....	قلب الميدان مجروح
171.....	فزورة
175.....	مش هنعلن إنكسارنا
177.....	الوهم
181.....	وصية موت
187.....	جريدك العالى
191.....	أمومة
193.....	وقت
195.....	بكرة أحلى
197.....	معافرة
199.....	سلام
201.....	التعريف للشاعر

وباحس بروحك جوايا..
وباحس برفرقتك فيا..
يا جناح مقصوص رغما عنه
والطير بيحب الحرية
يا يمامه وقلبي سمع صوتك
وهديله ف وقت الفجريه
صيادك قلبه اخرس واعمى
مش سامع تغريدك ليا.

الغلاف ... د. خالد سرور

7
5

